

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINSKI SUD U VISOKOM  
Broj predmeta: 41 0 K 100472 24 K  
Visoko, 28.02.2024.godine

#### U IME FEDERACIJE BIH

Općinski sud u Visokom, sudija Ana Sotirov uz sudjelovanje zapisničara Kljajić Abebe, u krivičnom predmetu protiv optuženog K.A., zbog krivičnog djela Nasilje u porodici iz člana 222. stav 2. u vezi sa stavom 1. KZ FBiH i produženo krivično djelo Nasilje u porodici iz člana 222. stav 4. u vezi sa stavom 2. i 1. istog Zakona, a sve u vezi sa članom 54. i 55. KZ FBiH, rješavajući po optužnici Kantonalnog tužilaštva Zeničko-dobojskog kantona broj: T04 0 KTD 0056628 24 od 31.01.2024.godine, na ročištu radi razmatranje izjave o priznanju krivnje održanog dana 28.02.2024.godine u prisustvu kantonalnog tužitelja Mustafić Mesuda, branitelja Tarik Lemeša, advokata iz Visokog i optuženog K.A., dana 28.02.2024.godine donio je i javno objavio:

#### P R E S U D U

K.A., sin M. i majke F. rođene M., rođen ... u V., nastanjen u mjestu B., ..., općina B., pismen, sa završenih osam razreda osnovne škole, zaposlen u firmi „Kazaz“ d.o.o. B., oženjen, otac jednog djeteta, Bošnjak, državljanin BiH, dobrog imovnog stanja, vojsku nije služio, JMB: ..., neosuđivan,

Kriv je

Što je:

U vremenskom periodu od decembra 2023. godine do 05.01.2024. godine, u B., u porodičnoj kući u kojoj stanuje sa svojom suprugom i mldb.1. djetetom, nasiljem, drskim i bezobzirnim ponašanjem, ugrozio mir, tjelesnu cjelovitost i psihičko zdravlje članova svoje porodice supruge i kćerke, sa kojima živi u zajedničkom domaćinstvu, na način da je svakodnevno koristio alkohol, pa u alkoholisanom stanju iste verbalno vrijeđao, govorio im razne pogrdne riječi, da su glupe, da je njegova supruga K.B. invalid, psihički bolesnik, uz svakodnevne psovke koje im je upućivao, psujući im majku, oca, pa je tako dana 22.12.2023.godine fizički nasrnuo na kćerku mldb.1. u namjeri da istu istuče, kojom prilikom je K.B. stala između njih kako bi zaštitila kćerku, nakon čega je odmah fizički nasrnuo na K.B. i nogama i rukama istu tukao po cijelom tijelu, zbog kojih svakodnevnih vrijeđanja i fizičkog nasrtanja je dijete mldb.1.1. napustila kuću dana 02.01.2024.godine i otišla da živi kod K.B. roditelja u mjesto K., da bi dana 05.01.2024. godine kada je došao kući, nakon izbivanja iz kuće dva dana i nakon što mu je K.B. rekla da ne može živjeti tako, da ne želi da njen muž odlazi drugim ženama, da se opija, na što je isti reagovao na način da je pritrčao iz druge sobe i odgurnuo K.B. prema dnevnom boravku, kojom prilikom je pala na pod, te povrijedila glavu i kičmu i dok je bila na podu udarao K.B. zatvorenom pesnicom u stražnji dio glave, te upućivao prijetnje da će je ubiti, iako je znao i bio svjestan da na opisani način

ugrožava mir svoje supruge i kćerke, što je i htio, nakon čega je K.B. ustala, pobjegla iz kuće i navedeni događaj prijavila nadležnoj policijskoj stanici,

čime je u stjecaju, počinio produženo krivično djelo Nasilje u porodici iz člana 222. stav 2., u vezi sa stavom 1. KZ FBiH i produženo krivično djelo Nasilje u porodici iz člana 222. stav 4., u vezi sa stavom 2. i 1. istog Zakona, a sve u vezi sa članom 54. i 55. KZ F BiH.

Za krivično djelo Nasilje u porodici iz člana 222. stav 2., u vezi sa stavom 1. KZ FBiH sud utvrđuje kaznu zatvora u trajanju od 1 (jedan) mjesec,

Za krivično djelo Nasilje u porodici iz člana 222. stav 4., u vezi sa stavom 2. i 1. istog Zakona, a sve u vezi sa članom 54. i 55. KZ F BiH utvrđuje kaznu zatvora u trajanju od 1 (jedane) godine.

Sud optuženom na osnovu članova: 41., 42., 43., 54. i 55. Krivičnog zakona Federacije Bosne i Hercegovine, izriče:

**JEDINSTVENU KAZNU ZATVORA  
U TRAJANJU OD 1 (JEDNE) GODINE**

Vrijeme provedeno u pritvoru od dana 05.01.2024. godine do 28.02.2024. godine se računa u izrečenu kaznu zatvora.

Na osnovu člana 202. stav 1. u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala iznos od 30,00 KM, sve u roku od 30 dana, po pravosnažnosti presude pod prijetnjom izvršenja.

**O b r a z l o ž e n j e**

Kantonalnog tužilaštva Zeničko-dobojskog kantona optužnicom broj T04 0 KTD 0056628 24 od 31.01.2024. godine optužilo je K.A. da je počinio krivično djelo Nasilje u porodici iz člana 222. stav 2. u vezi sa stavom 1. KZ FBiH i produženo krivično djelo Nasilje u porodici iz člana 222. stav 4. u vezi sa stavom 2. i 1. istog Zakona, a sve u vezi sa članom 54. i 55. KZ FBiH.

Optužnica je potvrđena od strane sudije za prethodno saslušanje ovog suda dana 02.02.2024. godine i na ročištu za izjašnjenje o krivnji održanog dana 28.02.2024. godine optuženi K.A. izjasnio se da je kriv.

Na ročištu za razmatranje izjave o priznanju krivnje, održanog dana 28.02.2024. godine, sud se uvjerio da je optuženi izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama, uključujući i posljedice vezane za imovinsko-pravni zahtjev i troškove krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivičnopravne sankcije.

Sud je izvršio uvid u predočene dokaze i to: Nalaz i mišljenje ljekara specijaliste JU Doma zdravlja Breza broj 136/2024 od 05.01.2024.godine, Rješenje Općinskog suda u Visokom broj 41 0 Pr 100470 24 Zm od 05.01.2024.godine, Izvod iz kaznene evidencije za osumnjičenog PS Vareš broj: 08-02-12/2-18/24 od 05.01.2024.godine, Izvještaj o počinjenom krivičnom djelu PS Breza broj: 08-02-09/3-2-KU-1/24 od 05.01.2024. godine sa priložima i to: Zapisnik o prijemu usmene prijave PS Breza broj: 08-02-09/3-2-2/24 od 05.01.2024. godine, Nalaz i mišljenje ljekara specijaliste JU Dom zdravlja, Hitna medicinska pomoć Breza broj: 136/2024 od 05.01.2024. godine na ime K.B., Zapisnik o saslušanju svjedoka K.B., PS Breza broj: 08-02-09/3-2-5/24 od 05.01.2024. godine, Zapisnik o ispitivanju osumnjičenog K.A. PS Breza broj: 08-02-09/3-2-6/24 od 05.01.2024. godine, Zapisnik o pretresanju stana, drugih prostorija i pokretnih stvari PS Breza broj: 08-02-09/3-2-4/24 od 05.01.2024. godine, Potvrdu o privremenom oduzimanju predmeta PS Breza broj: 08-02-09/3-1-3/24 od 06.01.2024. godine, Rješenje Općinskog suda u Visokom broj: 41 0 P 100470 24 Zm od 05.01.2024. godine, Zapisnik o lišenju slobode PS Breza broj: 08-02-09-3/24 od 05.01.2024. godine, Izvod iz kaznene evidencije za osumnjičenog K.A. PS Vareš broj: 08-02-12/2-18/24 od 05.01.2024. godine, Zapisnik o ispitivanju osumnjičenog K.A. Kantonalnog tužilaštva ZDK Zenica od 06.01.2024. godine, Zapisnik o saslušanju svjedoka mldb.1. Kantonalnog tužilaštva ZDK Zenica od 26.01.2024. godine sa transkriptom i CD\_om, Zapisnik o saslušanju svjedoka B.K. Kantonalno tužilaštva ZDK Zenica od 26.01.2024. godine, Zapisnik o saslušanju svjedoka K.N. PS Breza broj: 08-02-09/3-2-24/24 od 25.01.2024. godine, Zapisnik o saslušanju svjedoka K.F. PS Breza broj: 08-02-09/3-2-22/24 od 24.01.2024. godine.

Na osnovu navedenog, sud je sa sigurnošću utvrdio da je optuženi K.A., u vrijeme, mjestu i na način kako je to opisano u izreci presude počinio počinio krivično djelo Nasilje u porodici iz člana 222. stav 2. u vezi sa stavom 1. KZ FBiH i produženo krivično djelo Nasilje u porodici iz člana 222. stav 4. u vezi sa stavom 2. i 1. istog Zakona, a sve u vezi sa članom 54. i 55. KZ FBiH.

Sud zaključuje da je optuženi navedeno krivično djelo počinio sa direktnim umišljajem jer je bio svjestan svoga djela i htio je njegovo izvršenje, a sud je utvrdio da je optuženi prilikom izvršenja krivičnog djela bio uračunljiv jer predočenim dokazima nije dovedena u sumnju mogućnost optuženog da shvati značaj svoga djela i da upravlja svojim postupcima u vrijeme izvršenja djela.

Prilikom izricanja krivičnopravne sankcije sud je, kao olakšavajuće okolnosti na strani optuženog cijenio činjenicu da je priznao izvršenje krivičnog djela koje mu se stavlja na teret čime je doprinio utvrđivanju činjeničnog stanja i skraćenju krivičnog postupka te materijalne prilike kao i činjenicu da isti nije osuđivan.

Cijeneći kako olakšavajuće tako i otežavajuće okolnosti, sud je odlučio da optuženom za navedeno krivično djelo izrekne jedinstvenu kaznu zatvora u trajanju od 1 / jedne / godine i uvjerenja je da će se sa istom postići svrha kažnjavanja i da će uticati na optuženog da ubuduće ne čini nova krivična djela.

Vrijeme provedeno u pritvoru od dana 05.01.2024. godine do 28.02.2024. godine se uračunava u izrečenu kaznu zatvora.

Na osnovu člana 202. stav 1. u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala iznos od 30,00 KM, sve u roku od 30 dana, po pravosnažnosti presude pod prijetnjom izvršenja.

SUDIJA  
Ana Sotirov

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude.